

*Vterni* in nonnullis exemplaribus concipiuntur. *Luceni* a Lucensiis Hispaniæ qui oppositam oram tenuerunt, & nomen & originem traxisse videatur. *Velabri* ab *Aber*, id est *æstauriis*, sic sunt nominati, quod ad æstuaria sederunt, unde etiam *Artabris*, & *Cantabris* facta appellatio. Hos statuit *Orosius* ad *Notium Promontorium*, hodie *Biar head* nautis, quod Hispaniam spatioſo intervallo procul spectat. Sub *Notio* hoc promontorio, *Iernum* fluvius ab Oceano ebibitur, ad quem *Dunck-eran* sedes Episcopalis cernitur. *Dunck-eran* hæc quæ *Hibernorū* *Scotis oppidum Eran* denotat, non solum se esse *Ivernim* urbem, quam *Ptolemæus* vocat, sed flumen etiam esse *Iernum* illum expresse loquitur: cujus appellatio ut totius Insulæ ab *Hier* *Hibernicorum* facta videtur, quod *Occasum* significat. Est enim ultimus hujus regionis ad Occidentem fluvius, ut ipsa *Hibernia* ultima totius *Europæ* Insula. *Iberni* qui etiam *Vterni* id est *Camdeno* Interprete, superiores *Hiberni* hunc fluvium ad alterū promontorii latus accoluerunt, ubi *Berehaven*, & *Baltimore*, copiosa *Halecum* piscatura portus notissimi. Iuxta quos habitat *Mac Carti More*, ex *Hibernica* origine *Regulus*, qui anno 1566, possessiones & latifundia sua *Elizabethæ* Reginæ Angliæ in manus tradidit, & ab ea recepit, ut *Anglico* more, clientelari jure, fiducia nomine teneret. Eodemque tempore Comes de *Glencar*, & Baro *Valentiz* creatus est, vir in hoc tractu magni nominis, & potentiz, *Giraldidis* olim infensissimus, qui majores suos, ut ille contendit, *Desmoniz* Reges his avitis sedibus exuerunt. *Giraldidæ* enim isti, sive *Fitz-Giraldes*, ex *Kildariensi* familia oriundi, devictis *Hibernicis*, amplissima hic sibi latifundia acquisiverunt, & ex illis *Mauritius Fitz-Thomas* primus *Desmoniz* Comes anno salutis 1355 ab *Edvardo* tertio creatus, hæreditatem adeo stabilem, & firmam reliquit, ut ad decimum ab eo Comitē perditissimum hunc rebellem, quem dixi, ille honor quasi perpetua quadam serie descenderit. Post *Ibernos* *Vdie* qui & *Vodie* habitant, cujus nominis vestigium expressiori indicio se patefacit in agro *Kilkennienſi*, pars enim ejus maxima *Idon*, & *Idonib* nominatur. Incoluerunt hi Comitatum *Corcagiensem*, *Tripariensem*, *Limiricensem*, *Kilkennienſem*, & *VWaterfordensem*. In *Triparariensi* Comitatu, nihil memoratu dignum se offert, nisi quod sit ibi *Palatinatus*, & *Holycrosse* in eo opidulum magnis gaudeat immunitatibus, quæ in honorem, ut persuaserunt monachi, fragmenti *Crucis* *Dominicæ* concessæ fuerunt. *Suir* flumen nobile accolis *Showr* ex hoc *Triparariensi* agro in *Kilkennienſem* defertur, qui è *Bladina* monte profusus per *Ossiriam* inferiorem, quæ *Butleris* Comit̃is, & *Thurles* quæ illis *Vicecomitis* titulum præbet, primum *Cassiliam* urbem adit *Archiepiscopali* dignitate ab *Eugenio PP.* exornatam, cui novem subsunt *Suffraganei* *Episcopi*. Indeque juxta *VWaterfordiam* aliis duobus fluviiſ adactus in Oceanum exoneratur. Hactenus hanc partem *Hiberniæ* cum *Camdeno* percurri, restat nunc, de urbibus & opidis hujus partis pauca explicare. Inter has primum sese offert *VWaterfordia*, quæ secundas inter *Hiberniæ* urbes jure sibi vendicat, imprimis honesta & officiis fidelis civitas, fide & obsequio in Imperium Anglicum semper singulari. Ex quo enim *Richardus* Comes *Penbrochiæ* expugnavit, Anglis *Hiberniam* subigentibus tutam fide sua, & quiete, securamq; a tergo pacem semper præstitit. Vnde Reges Angliæ plurimas, & maximas immunitates concesserunt, quas *HENRICVS* septimus auxit atque confirmavit, eo quod contra eumentum & iniquum illum Principem

Urbe & Opida.